



Javno preduzeće

ELEKTROPRIVREDA BOSNE I HERCEGOVINE
d.d. - Sarajevo

JAVNO P ELEKTROPRIVREDA BOSNE I HERCEGOVINE d.d.	
PODRUŽNICA "KAKANJ"	
PRIMLJENO	08-03-2019
BROJ PROTOKOLA	3959/10/19
ORGANIZACIONA JEDINICA	02-3-6
	PRILOG

Sarajevo, 07-03-2019
Broj: 02- 7463/19

Na osnovu članova 25., 69., 70. i 71. Zakona o javnim nabavkama BiH ("Službeni glasnik BiH" broj 39/14), člana 3. stav 3) Pravilnika o uslovima i načinu korištenja e-aukcije ("Službeni glasnik BiH" broj 66/16) i člana 95. Statuta JP Elektroprivreda BiH d.d. - Sarajevo broj: SD-5211/16-38/2. od 29.03.2016. godine i Statuta o izmjeni i dopuni Statuta JP Elektroprivreda BiH d.d. - Sarajevo broj: SD-18295/18-51/5. od 19.07.2018. godine, te člana 4. stav (7) Odluke o utvrđivanju i rasporedu ovlaštenja Generalnog direktora, izvršnih direktora, pomoćnika generalnog direktora, Sekretara Društva i direktora podružnica Društva -Prečišćeni tekst- broj: 06-6522/18 od 05.03.2018. godine, Izvršni direktor za proizvodnju, na preporuku Komisije za javnu nabavku, d o n o s i

ODLUKU

o izboru najpovoljnijeg ponuđača po Otvorenom postupku javne nabavke u predmetu
Održavanje zajedničkih postrojenja za potrebe Podružnice Termoelektrana "Kakanj" Kakanj

Član 1.

U Otvorenom postupku javne nabavke u predmetu Održavanje zajedničkih postrojenja za potrebe Podružnice Termoelektrana "Kakanj" Kakanj broj: 2000024731, broj obavještenja o nabavci sa portala javnih nabavki: 1424-1-2-8-3-48/19, izabran je najpovoljniji ponuđač:

TERMOMONTAŽA d.o.o. Kakanj sa cijenom od 84.545,00 KM (bez PDV-a)

Član 2.

Zadužuje se Služba za komercijalne poslove da u roku od 3 (tri) dana, a najkasnije u roku od 7 (sedam) dana od dana donošenja ove Odluke istu dostavi ponuđaču i time ga obavijesti o rezultatima postupka javne nabavke.

Član 3.

Obavezuje se ponuđač iz člana 1. ove Odluke da u roku od 5 (pet) dana od dana prijema ove Odluke, dostavi dokumente navedene u tački 6.2.2. tender broj: 2000024731.

Obrazloženje

U predmetnom otvorenom postupku javne nabavke, objavljen u "Službenom glasniku BiH" broj 8 od 08.02.2019. godine i 05.02.2019. godine na Portalu www.ejn.gov.ba u Zapisniku sa otvaranja ponuda Komisija za javnu nabavku je konstatovala da je ponudu dostavio ponuđač:

- TERMOMONTAŽA d.o.o. Kakanj

Komisija za javnu nabavku je nakon izvršenog otvaranja, pregleda, analize i ocjene primljene ponude, izvršila rangiranje prihvatljive ponude prema kriteriju za izbor najniža cijena, i to:

TERMOMONTAŽA d.o.o. Kakanj sa cijenom od 84.545,00 KM (bez PDV-a)

Na osnovu ukupne ocjene ponude, prema kriteriju za dodjelu ugovora „najniža cijena“ i u skladu sa članom 3. stav 3) Pravilnika o uslovima i načinu korištenja e-aukcije, Komisija za javnu nabavku je predložila da se izvrši izbor najpovoljnije ponude ponuđača TERMOMONTAŽA d.o.o. Kakanj sa cijenom od 84.545,00 KM (bez PDV-a).
Iz navedenih razloga, donesena je Odluka kao u dispozitivu.

Pravna pouka:

Protiv ove Odluke može se podnijeti žalba ugovornom organu JP Elektroprivreda BiH d.d. Sarajevo, Podružnica Termoelektrana "Kakanj" Kakanj, u roku od 10 (deset) dana od dana prijema ove Odluke. Žalba se podnosi u najmanje 3 (tri) primjerka.

Izvršni direktor za proizvodnju

dr. scj. Nevađ Ikanović



Dostaviti:

- Ponuđaču
- Službi za komercijalne poslove
- a/a